

ISAZISO MALUNGA NOVAVANYO LWEMPEMBELELO KOKUSINGQONGILEYO (EIA) LWEPROJEKTHI YAMANZI YASEMZIMVUBU, EMPUMA KOLONI

IReferensi yeSebe Lemicimbi Yokusingqongileyo (Ulwakhiwo lweDama: 14/12/16/3/3/2/677, Uveliso lombane 14/12/16/3/3/2/678, kunye Nokuphuculwa kweendlela 14/12/16/3/3/1/1169.

Esi sisaziso ngokwemimiselo yoMthetho kaZwelonke wezokusiNgqongileyo (NEMA), ka-1998 (uMthetho onguNombolo 107 ka-1998), kunye noMthetho kaZwelonke waManzi (NWA), ka-1998 (uMthetho onguNombolo 36 ka-1998), sokuba kuza kudingeka isigunyaziso Ngokusingqongileyo kunye nePhepha leMvume Yokusetyenziswa Kwamanzi kule misebenzi ichazwe apha ngezantsi. Ngokunxulumene noku ke, izicelo zifakiwe kwiSebe Lemicimbi Yokusingqongileyo (DEA) kwaye ziza kufakwa kwiSebe Lemicimbi Yamanzi (DWA). Ngenxa yobume bale projekthi, kuza kulandelwa iinkqubo zokuhlala umsebenzi kwanezo zovavanyo lwempembelelo kokusingqongileyo.

IProjekthi Yamanzi yaseMzimvubu ibandakanya imimandla kamasipala wase-OR Tambo, owase-Alfred Nzo kunye nowase-Joe Gqabi, eMpuma Koloni. Le projekthi iquka idama elicetywayo, elaziwa njengeDama laseNtabelanga, nelikuMlambo iTsitsa, isebe loMlambo iMzimvubu, nokwindawo ekwikhilomitha eziyi-12 emntla-mpuma kwindawo esembindini kwindlela yakuTsolo naseMaclear. Iilali ezikufutshane yeyaseNgqongweni, eyakuCekwayo neyaseSiqungweni. KuMlambo iTsitsa, emazantsi esiza seDama laseNtabelanga, kuza kwakhiwa elinye idama elaziwa njengeDama laseLaleni lokuvelisa umbane, nelisemantla kweeNgxangxasi zaseTsitsa. Omabini la madama aza kusetyenziswa njengesibonelelo esinye esihlangeneyo. Kuza kudingeka isigunyaziso ngokusingqongileyo ngokuphathelele kulwakhiwo olukhoyo xa kusenziwa le misebenzi ilandelayo:

- Amadama;
- Iindonga Ezilawula Amanzi Emlanjeni;
- Ukuphuculwa nokumiswa ngokutsha kweendlela;
- Imibhobho yonikezelelo lwamanzi asezingqongileyo kunye namachibi;
- Imibhobho yamanzi angalungiswa namachibi;
- Izikhululo zokumpompa amanzi
- Imisebenzi Yokucoca Amanzi;
- Imisebenzi Yokucoca Inkunkuma Emanzini;
- Uveliso Lombane;
- Iintambo zombane; kunye
- Neendlela zokuya kufikelela kwiziza zolwakhiwo.

Kudingeka iMvume Yokusetyenziswa Kwamanzi (WUL) xa kusetyenziswa amanzi kwezi zinto zilandelayo nokuzothi kuphenjelelwe yiprojekthi le:

- Icandelo 21(a) ukukhiwa kwamanzi emlanjeni;
- Icandelo 21(b) ukugcinwa kwamanzi;
- Icandelo 21(c) ukuphazanyiswa okanye ukujikwa kweendlela yokuhamba kwamanzi emlanjeni;
- Icandelo 21(f) ukutshintshwa kwesiseko, iindonga, umjelo okanye naziphi na iimpawu zomlambo;
- Icandelo 21(f) ukukhutshwa kwenkunkuma okanye amanzi anenkunkuma aye kuvimba wamanzi ngombhobho, imijelo, imijelo engaphantsi komhlaba ehambisa amanzi amdaka, okanye enye indlela yohambiso lwamanzi; kunye
- Necandelo 21 (g) ukulahlwa kwenkunkuma ngendlela enokuthi ibe negalelo elingelihlanga kwindawo yamanzi.

Ngokwemimiselo yoMthetho Wophuhliso Lwezibonelelo zeziMbiwa nePetroliyam, ka-2002 (uMthetho onguNombolo 28 ka-2002) (MPRDA), njengoko ulungisiwe, kwakunye neMimiselo Yophuhliso Lwezibonelelo zeziMbiwa nePetroliyam ekwisaziso sikarhulumente esingunombolo GNR 527 somhla we-23 ku-Epreli 2004, iSebe Lemicimbi Yamanzi (DWA), ngenxa yesaziso sikarhulumente esingunombolo GNR 762 somhla we-25 kuJuni 2004, alizidingi iinkqubo zofako lwesicelo kwakunye nokwamkelwa kwamalungelo okanye iimvume ngokwamacandelo u-16, 20, 22, kunye no-27 oMthetho i-MPRDA. Nangona kunjalo ke kodwa, ngokwecandelo 106(2) loMthetho i-MPRDA, iSebe Lemicimbi Yamanzi kudingeka ukuba liqulunqe iNkqubo yoLawulo lokusiNgqongileyo (EMP) ukuze yamkelwe ngokwemimiselo yecandelo 39 (4) lalo Mthetho.

ISebe Lemicimbi Yamanzi lityumbe i-ILISO Consulting (Pty) Ltd ukuba ibe yiyo eyenza uVavanyo lweMpembelelo kokusiNgqongileyo kwakunye neqhuba inkqubo yokunikekisa ukuthathwa kwenxaxheba nokubandakanywa koluntu. Amaqela achaphazelekayo adinga ulwazi neenkukacha ezingaphezulu malunga neprojekthi angabhalisa njengeqela elinomdla nelibandakanyekayo ngokuthi aqhagamshelane no-Kim Dalhuijsen ngeposi, umnxeba, ifeksi okanye i-imeyile kwezi nkukacha zohagamshekwano zilapha ngezantsi zingekapheli iintsuku eziyi-14 emva kokuba sikhutshiwe esi saziso.

Kim Dalhuijsen
ILISO Consulting (Pty) Ltd
PO Box 68735, Highveld, 0169

I-imeyile: Kim.d@iliso.com
Umnxeba: (012) 685 0900
Ifeksi: (012) 665 1886



8618

Approved
[Signature]
24.04.2014